

Vuk'uzenzele



Produced by Government Communications (GCIS)

isiNdebele / English

| August 2016 Edition 2

2016 Elections gets a nod



South Africans came out in numbers to cast their votes in the 2016 Local Government elections.

SANews

Government is pleased with voting during the 2016 Municipal Elections, which proceeded well.

About 26 million South Africans who registered cast their votes in the 22 612 voting stations situated nationally. This is the fourth local government elections.

President Jacob Zuma said the elections are an indication that South Africa is one of the countries in Africa that is leading in democracy.

"I am pleased our country is a demonstration of how democracy should work," said

the President after casting his vote.

Minister of Cooperative Governance and Traditional Affairs Minister Des Van Rooyen also congratulated the Independent Electoral Commission (IEC) for

delivering yet another election.

"Government applauds the youth, especially the first time voters, for their commitment towards advancing our democracy," said Minister Des Van Rooyen, who is also the chairperson of the Inter-Ministerial Committee (IMC) on Elections.

Over 75 000 police members deployed at polling stations ensured that elections were held in a safe environment.

Government has encouraged all citizens to work together with those elected to public office to strengthen

local government.

Chief Electoral Officer of the IEC Mosotho Moepya said the country should be proud of the achievements.

First-time voter, Israel Mnisi from Soshanguve in Pretoria, said he was excited to cast his vote.

"I have long been waiting for this moment, it's exciting, now I know that I have voted for my community to get better service delivery," he said.

Another community member, who was excited about the day, was Martha Thusi from Soweto who said voting is about honouring the past and reaffirming the country's democratic future.

"I could not just sit and not vote. We might have challenges as a country but after 22 years of freedom - a lot has been done. In my area for example we have most of the basic services. We have schools, clinics, libraries and shopping malls," she said.

Her only wish was that the new councillor continues with the delivery of services.

Despite these, Thusi acknowledged that there were still challenges facing local government but was also of the view that voting is more effective than service delivery protests. **V**



Better access to medication

Page 4




More homes for Etwatwa community

Page 6

ICT can help improve SA

Page 9



President Jacob Zuma casting his vote.

Voting in numbers

- Over 73 million ballot papers were printed.
- 4 649 unique ballot papers representing political parties and independent candidates.
- A record of 200 parties and 61 014 candidates contested the Municipal Elections. This was approximately 65 percent more parties and approximately 12 percent more candidates than the previous municipal elections held in 2011.

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za
www.vukuzenzele.gov.za
 E-mail: vukuzenzele@gcis.gov.za
 Tel: (+27) 12 473 0179

Free Copy

Indlela elula yokufumana iinhlahla

Nonkululeko Mathebula

AmaSewula Afrika azazifumanela iinhlahla “ngendlela yemitjhini ye-ATM” kunokuya emakhemisi.

Lo kumphumela wetjhebiswano hlangana nomNyango wezamaPhilo neHlangano engaSebenzeli iNzuzo i-Right To Care.

Nanyana ingakahlonywa ngokusemthethweni iKoro yesiManjemanje yokuNike-lwa kweNhlahla (i-PDU) kodwana sele isebenza esiBhedlela i-Helen Joseph, e-Alexandra eseJwanasbhege kunye nesibhedlela i-Steve Biko Academic esisePitori.

Umqopho wethetshelwaji etja le kunciphisa imijeje emide, kukwenza ngcono ukulethwa kwezenzelwa netjhejo lezamaphilo lezinga eliphezulu.

Nagade akhuluma neba-kwa-Vuk'uzenzele evakatjheni lakhe esiBhedlela i-Helen Joseph, u-David Molele, osebenza ngemitjhinyana yamarobothikhi – nesekelo

ekusetjenziweni kwe-Right-e-pharmacy, wathi umtjhini lo uzakuphelisa nemiraro evame ukuba khona kezo-kutlolisa nokuphatha.

“Lelihlelo lamukelwe ngethabo ngilabo ekhe balisebenzisa ukufikela gadesi ngombana linciphise isikhathi sokulinda iinhlahla emazikweni wezamaphilo wombuso.

“IRherhweli lehlise isikhathi sokulinda iinhlahla

“IRherhweli linciphise isikhathi sokulinda iinhlahla ngemizuzu ehlangana neli-15 ukuya kema-20”

ngemizuzu ehlangana neli-15 ukuya kema-20 begodu lokho ngikho esikufunako,” kwatjho u-Molele.

I-PDU isebenza njengomtjhini webhanga oyi-ATM. Ukuze iingulani zifumane iinhlahla zazo, kufanele zizitlolise ehlelweni uku-

ze zikwazi ukusebenzisa isisetjenziswesi. Zizakufumana ikarada elifana nelebhangana. Nazifuna “ukukhupha” iinhlahla zazo iingulani zizakufaka ikarada emtjhini we-PDU, zigandelele iNomboro Eyifihlo bese zikhetha iinhlahla umuntu azifunako erhelweni leenhlahla abatlolwe zona.

Ngokuka-Molele, umnqopho kukwenza bona ekugcineni ihlelwe lifumanekwe eendaweni ezinjengeentabathaba zee-ntolo nemizileni yamateksi kwenzelelwe bona iingulani zifumane iinhlahla ngendlela elula.

IRherho lokusetjenzi-swa kwe-ATM sele likhona e-Alex Plaza ese-Alexandra, esiThabathabeni seenTolo zeNdoofaya ese-Soweto kunye ne-Diepsloot.

Indlela etja yokufumana iinhlahla le izabenzela ubulula abantu abafumana imitjhoga yeNgogwana yeNtumbantonga (i-HIV).

Nagade akhuluma mhlapha kuKhonferensi yeNtumba-



I-PDU izakusiza iingulani ngendlela elula yokufikelela itjhejo lezamaphilo lezinga eliphezulu.

ntonga yePhasiloke e-Durban, uNgqongqotjhe wezamaPhilo u-Aaron Mtoaledi uthe iSewula Afrika iraga ihlelo lokwelatjhwakwe-HIV elingelikhulu ephasini loke.

Isibalo seengulani ezilatjhwako sikhule ukusukela een-400 000 ukufikela eengidini ezi-3.4 esikhathini esimatjhumu amathathu weminyaka. Nanyana kunjalo, isibalo sabasebenzi bezamaphilo solo asandi

ukwenzelela bona sikhambisane nesidingo sesibalo esikhulako seengulani, lokho kubangela ukuphelelwa mumusa kweengulani zingcine zingathobeli ngefanelo imileyo yokuselwa kweenhlahla.

UNgqongqotjhe u-Mtoaledi wathi, “Kukakathekile bonyana samukele woke amagadango azokwenza bona kube lula ebantwini ukuragela phambili nokwelatjhwakwe.”

Ukukhambelana kommongo wamathambo kuvuselela ithemba

Noluthando Mkhize

I-Leukaemia yatjhugulula ipilo kaSibongile Mkhwanazi (oneminyaka ema-21) ngokungakalindelwa eminyakeni emihlanu eyadlulako.

Bekahlala nonina e-Kroonstad, eseFreyistata lokha nakahlalutjwako.

“Ipilwami yatjhuguluka msinyana. Ngasuka ekubeni litlawana eliphilileko ngatjelwa bonyana nginobulwele obubulalako.

“Gade nginamathuthuva ebusweni, athoma ukuvuvuka. Lokhu kwenza bona umma afune isizo ngomzamo wokungelaphisa. Ngaphelelwa mamandla neemfundo zami zaphazamiseka bengalisa nokuya esikolweni.”

Ngemva kokuhlalutjwa kwafunyanwa bonyana uSibongile une-Leukaemia walala esiBhedlela iinyanga ezisithandathu. Wasele aphelelwe lithemba.

“Gade ngizizwa ngihlukile kabanye abantwana esikolweni sethu kwaba budisi kimi ukubona umma ezwa ubuhlungu obungaka.”

Qobe mnyaka ukuhlalutjwa

kweenkulungwana zamaSewula Afrika kuveza umphumela we-Leukaemia, ekuyikankere yeengazi eyayingumabulala.

Amalanga la i-Leukaemia yelatjhwakwe ngepumelelo ekhulako. Umbono lo ngewakaDorhodere Guni Goolabo umPhathi oyiHloko yeSikimu seSizo lezokwelatjhwakwe sabaSebenzi bomBuso (i-GEMS).

UDorh. Goolab wathi ukwenziwa ngcono kweenhlahla zekankere kufikelele ezingeni eliphezulu ngendlela yokuthi i-Leukaemia namanye amalwele wekankere yeengazi awasathathwa njengesigwebo sentambo.

UDorh. Goolab wathi, “Amazinga wabasindako ku-acute lymphocytic leukaemia, ekuyikankere evamileko ebantwaneni akhulile ukusukela kumaphesente amathathu ukufikela okungasenani kama-90% eminyakeni ema-40 ngesizo lomtjhoga okhethekileko njengokufakelwa ummongo wamathambo, ekusiza ukuhlwengisa amaseli wekankere emzimbeni wesigulani.

USibongile uya qobe ukuyokuhlolwa begodu abodorhodere nonina bamnikele ithemba

lokuphila.

“Mhlapha abodorhodere bangitjele ukuthi bafumene umuntu onikele ngommongo wamathambo, yeke balungiselele umzimbami ukuhlinzwa.”

Ebantwini abanengi abaphelelwe yi-Leukaemia indlela yokusinda kufumana iseli yommongo wamathambo.

Kulapho iinhlango ezifana ne-Sunflower Fund zisiza khona.

I-Sunflower Fund iyiHlangano engaSebenzeli iNzuzo

ezibophelele ekukhuliseni iRejista yokuNikela ngoMmongo wamaThambo yeSewula Afrika ngokubuthelela iimali ezitlhogekako ukubhadela iinhlahlubo zamathitjhu.

Ukufumana abantu abakhambelanako ngamaseleli wommongo wamathambo kuphasi khulu; kungaba mumuntu munye kabazii-100 000.

Kungebangelo i-Sunflower Fund isebenzela ukukhuthaza woke amaSewula Afrika ukuthi

Uthi bewazi nje?

- Kufuneka kwaphela amakhezwana amabili weengazi ukuthi uzitlolise njengomnikeli.
- Ukunikela ngamaseleli wommongo wamathambo akusese buhlungu ukudlula ukunikela ngeengazi.
- Kutlhogeka bona ube neminyaka ehlangana neli-18 nema-50 ube nobudisi obungaphezulu kwamakhilogremu ama-50 nawuzakuba mnikeli.
- Amathuba wokufumana umnikeli kuba mumuntu munye hlangana nabazii-100 000.
- Umuntu munye hlangana namaSewula Afrika azii-100 000 uzakufunyanwa ane-leukaemia.
- I-Leukaemia maseli azibuyelelako ngobunengi abulala amaseli anepilo ajayelekileko abomvu, angamhlophe namaplathelethi bese abangela umzimba ube buthakathaka.

azitlolise kuRejista yokuNikela ngoMmongo wamaThambo. Ukuzitlolisa lokhu kurejista le kulula begodu umuntu udoswa isampula yeengazi ukuhlo-la bonyana angaba mnikeli wommongo wamathambo okhambelanako ukusiza isigulani ngokuzako.

USibongile wakhuthaza woke amaSewula Afrika ukufumana ilwazi nge-Leukaemia ukuze bakwazi ukuphulukisa amaphilo.

“Ngikhombela woke amaSewula Afrika ukobana azihlomise ngelwazi mayelana ne-leukaemia khona bazakukghona ukuphulukisa amaphilo wabanengi.”

Nawufuna ilwazi elinabileko, dosela inomboro yasimahla ye-Sunflower Fund ku: 0800 121 082 ukuze ube mnikeli, namkha uvakatjhele ubunzinzolwazi ku: www.sunflowerfund.org.za.

* Imibiko engezelelweko ivela kuSikimu seSizo lezokwelatjhwakwe sabaSebenzi bomBuso.

Iinkumba Ezingezelelweko Zomphakathi we-Etswatwa

Nonkululeko Mathebula

Abahlali be-Combi-za Extension 35 Etswatwa, esiphandeni se-Ekurhuleni, babanini beenkumba ezikarisako.

Amalanga wokuhlala emithlatlhaneni nemakamurweni wangemva aqatjhiswako aphela lokha uMeyara ophumako kaMasipala weDorobha le-Ekurhuleni uMhlonitjha Mondli Gungubele neLunga leKomiti kaMeyara yezokuHlaliswa kwabaNtu u-Aubrey Nxumalo banikela ngeenkumba ezima-70 kubahlali bendaweni le. Nakethula ikulumo yakhe ekunikelweni kweenkumba wathi iinkumbezi ziyakarisa begodu zizakunikela abahlali isithunzi.

“Thina sibaphathi kilelidorobha sisabalalisela iinkumba ezitjezi ebantwini abathlogako nabalungelwe kuzifumana njengengcenyeyehlelo lethu lokunikela ngeenkumba.

Wathi, “Sihlela ukwakha ezinye iinkumba ezizii-8 000 ekupheleni komnyaka lo weemali begodu sikhuthaza abanikazi beenkumba abatjha ukuthi benze iindawo zabo zihlale zihlwengile begodu ba-

“Njenganje ngihlala ngekumbenami ngokuthula ngaphandle kokutshwenyeka bona kuzakwenzekani ngepahlami nange izulu lingana.”

ngangezeleli ngemithlatlhananagemva”.

Iinkumba zinamakamura wokulala amabili, ubuhlabelo nephunyana elivulekileko nendawo yokuphumulela. Indawo etja le izakuba neendlela ezisindiweko, igezi, ihlelo leendlwana zamanzi, amaphaga wokuzigedla, amaziko wefundo



U-Pertunia Mnyakeni, umzuzi wekumba othakasileko. Ujame lapha neLunga leKomiti kaMeyara u-Aubrey Nxumalo (ongesinceleni) noMeyara we-Ekurhuleni uMondli Gungubele.

yabantwana nokufikeleleka eenthuthini zomphakathi njengamateksi namarenke.

Omune wabazuzi ngu-Petrus Mashego (oneminyaka ema-45) obegade ahlala emithlatlhaneni isikhathi esiminyaka ema-22 edlulileko.

Wathi, “Ngithabe khulu, kusese libhudango kimi. Njenganje ngihlala ekumbenami ngokuthula ngaphandle kokutshwenyeka bonyana kuzakwenzekani

ngepahlami nange izulu lingana”.

UNxumalo watjela bakwa-Vuk'uzenzele bonyana isenzwesi sikhambisana nokuphumelelisa isibophosikarhulumente.

UNxumalo wathi, “Nasikhethelwa ukuphatha emakhethweni karhulumente weendawo zemakhaya ngomnyaka wee-2011 senza isibopho ebantwini bekhetu bonyana izinto zokutjhuguluka kube nepilo

engcono.

UNxumalo wathi “Sakhe iinkumba ezingaphezuz kwama-300 e-Combi-za kanti kusazokwakhiwa ezinye zinikelwe eendaweni ezihlukileko ngedorobheni. Lokhu kuletha isithunzi sasafuthi ebantwini bekhetu”.

Wangezelela ngokuthi kutjhejwa qangi abantu abalupheleko, abakhubazekileko nebemizi etlhogonyelwabantwana. **V**

Iinkumba Ezakhelwe Abantu be-Thoyane

Thandeka Ngobese

Abantu bemizi eyadinywa amathuba ngaphambilini ekuMasipala weVulamehlo KwaZulu-Natala bahlala eenkumbeni ezikarisako ngesizo lomNyango wezokuHlaliswa kwaBantu waKwaZulu-Natala.

Iphrojekthi yeenkumba ezizii-R161 yabantu be-Thoyane yanikelwa nguSomkhandlu wezokuHlaliswa kwabaNtu nemiSebenzi yomBuso u-Ravigasen Pillay. Iinkumba eziyi-1 500 ziyingcenyeyehlelo eliDephileko lokuThuthukiswa kweNdawo zemaKhaya elinqophe ukulwisana nokusalela emva kwetuthuko, ukufumaneka kokugoma, ukuthayela komsebenzi, umthlago nabo boke ubudisi bezhlalakuhle obukhambisana neendawozemakhaya.

Omune wabazuzi uNtombizonke Maphumulo (oneminyaka ema-52) watjela bakwa-Vuk'uzenzele bonyana bekangasebenzi begodu angakghoni ukuzakhela ikumba.

Wathi, “Ngimbelethi okhu-



UMeyara kaMasipala weVulamehlo uMhlonitjha u-Thabani Dube noSomkhandlu wezokuHlaliswa kwabaNtu nemiSebenzi yomBuso u-Ravigasen Pillay banikela ngekumba kuNtombizonke Maphumulo.

lisa abentwana ayedwa, onabantwana abathathu nomzukulu. Boke abasebenzi kanti omncani usesikolweni. Siphila ngemali yesibonelelo sabantwana. Sithokoza urhulumente ngokusipha ikumba ehle nenesithunzi”.

USomkhandlu u-Pillay wathi urhulumente wesifunda wakhe iinkumba ezingaphezuz kwee-800 000 ukusukela ngomnyaka we-1994 bekwavulwa namathuba weenkumba azii-80 000

ngeentandi ezifakelwe umthangalasisekelo.

Wathi, “Siyazi lapha sibuya **“Bengihlala nginebhudango lokuba nekumba enesithunzi ngelinye ilanga.”**

khona begodu sazi kuhle bonyana siqophephi. Urhulumente lo unehlelo begodu uzibophelele ukuphumelelisa ihlelwele ngokuzeleko”. Wangezelela ngokuthi

i-Thoyane Rural Housing Development Project itjengisa ukuzibophelela kukarhulumente ekuletheni iindawozokuhlala ezinzinzileko.

Wathi, “Eminyakeni emithathu ezako, ukufikela kwee-2019, sizibophelele ukuvula amathuba weenkumba asigidi sinye emindenini efaneleko esemadorobheni nemakhaya.

Sinenye iphrojekthi ebizwa i-Vulamehlo Ward 5 and 7 Rural Housing Development Pro-

ject. Iphrojekthi le yeengidi ezimakhulu ama-R215 izakusiza abantu abaziinkulungwana ezi-2 000 emawadini la amabili.”

Omune ozuzileko nguNomvula Nzimakwe (oneminyaka ema-47) watjela bakwa-Vuk'uzenzele bonyana ibhudango lakhe liphumelele. “Bengihlala nginebhudango lokuba nendlu ehle ngelinye ilanga. Ngihlezi endaweni le emithlatlhaneni iminyaka elitjumi. Nalinako gade ngilala emanzini. Umfulelo woke bewunethela. Sithokoza urhulumente ngekumba le ezokuletha isithunzi emndeninami” walathisa kunjalo.

I-Thoyane Rural Housing Development Project yavula imisebenzi engaphezuz kwama-400.

UMeyara kaMasipala weVulamehlo, uMhlonitjha u-Thabani Dube wathi urhulumente ugcina iinthembiso zakhe.

Wathi, “Boke abantu abafaneleko bazakufumana izindlu. Lesi sigaba sokuthoma sephrojekthi kanti isigaba sesibili siyeza naso njengokutjho kukaSomkhandlu”. **V**